



## SCOLA MEDIA COMMERCIALIZA SMC (HMS)

La SMC unescha savida generala approfondada cun ina scolaziun professiunala. La scolaziun finescha cun l'attestat da qualificaziun federal AFQ commerziant/commerzianta, branscha da servetsch ed administraziun e tar la maturitad professiunala MP en direcziun economia. La scolaziun dura 4 onns. En il quart onn vegn absolvi in praticum da lunga durada. Questa scolaziun vegn purschida en il Grischun da las suandantas scolas:

---

Center da furmaziun Surselva, Glion [www.bzs-surselva.ch](http://www.bzs-surselva.ch)

---

Scola chantunala grischuna, Cuir [www.bks.gr.ch](http://www.bks.gr.ch)

---

Scola media alpina svizra, Tavau [www.samd.ch](http://www.samd.ch)

Il gimnasi svizzer da sport a Tavau porscha la SMC en cumbinaziun cun frequentar sport da prestaziun. La scolaziun dura 4 onns senza praticum. Las absolventas ed ils absolvents termineschan cun in AFQ commerziant/commerzianta senza maturitad professiunala.

---

Gimnasi svizzer da sport, Tavau [www.sportgymnasium.ch](http://www.sportgymnasium.ch)

### Scolaziun

Il plan d'instrucziun cuntegna per regla ils suandants roms:

---

#### Roms fundamentals

emprima lingua naziunala (Deutsch, rumantsch/Deutsch, italiano<sup>1</sup>)

segunda lingua naziunala<sup>2</sup> (tedesco, franzos, talian)

terza lingua (anglais)

matematica

#### Roms d'accent

finanzas e contabilitad

economia e dretg

---

#### Roms complementars

istorgia e politica

tecnica ed ambient

#### roms d'instrucziun supplementars

pratica professiunala

cumpetenzas digitalas

sport

---

<sup>1</sup> Talian sco emprima lingua (lingua materna) pretenda tudestg sco segunda lingua naziunala.

<sup>2</sup> Rom d'elecziun obligatoric franzos u talian

## Praticum lung

Durant il 4. onn absolvan las scolaras ed ils scolars in praticum lung, durant il qual ellas ed els stattan a disposiziun al manaschi 5 dis per emna durant l'entir onn (exceptà 5 emnas vacanzas). Durant quest praticum professional en in manaschi survegnan ellas ed els uschia l'ocasiun d'applitgar en moda pratica, quai ch'ellas ed els han emprendì, e d'aprofundar lur enconuschientschas. Las emprendistas ed ils emprendists tschertgan sezs lur piazza da praticum, survegnan dentant sustegn da la scola per la tschertga e durant il praticum. Durant il praticum han lieu curs intermanaschials (Ci) en la dimensiun da 10 dis. Quests curs vegnan organisads da las branschas d'instrucziun e d'examen partecipadas. Ils Ci intermediesschan cuntengns da la pratica professionala e preparan per ils examens manaschials.

## Admissiun

Per l'admissiun a las scolas medias commercialas SMC sto vegnir dumagnà in examen d'admissiun chantunal unitar ad ina scola media grischuna. L'examen d'admissiun chantunal è reussì sche la media da l'examen cuntanscha la valor 4.0 e sche las divergenzas da las notas dals roms d'examen vers engiu cun la nota 4.0 n'importan betg dapli che 0.75 puncts.

Examinads vegnan ils suandants roms: emprima lingua (tudestg, rumantsch u talian), anglais, aritmetica & algebra e geometria. Ils examens pon vegnir absolvids en la 2. u en la 3. classa da la scola superiura.

In'admissiun a l'examen d'admissiun chantunal è pussaivla fin e cun quel onn chalendar, en il qual la candidata u il candidat daventa maioren.

Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istorgia, natira e tecnica, art figurativ, musica, moviment e sport e segunda lingua dal emprim semester da la 2. classa secundara.

S'inscriver per ils examens d'admissiun pon ins sut il suandant link: [www.zap.gr.ch](http://www.zap.gr.ch). Ulteriuras infurmaziuns davart l'examen d'admissiun sa chattan sin la pagina d'internet da l'Uffizi per la furmaziun media-superiura ([www.ahb.gr.ch](http://www.ahb.gr.ch)).

La scolaziun cumenza dentant en mintga cas pir suenter la 3. classa superiura.

## Midada en la scola media spezialisada, d'informatica u gimnasiala

Las scolas medias pon admetter scolaras e scolars sin il cumenzament da l'onni da scola ad ina partiziun da scola media senza ch'els fetschian in examen d'admissiun chantunal. Las cundiziuns d'admissiun per quest intent vegnan regladas en l'ordinaziun davart la procedura d'admissiun a las scolas medias (vesair [www.ahb.gr.ch](http://www.ahb.gr.ch)).

## Pussaivladads da sa furmar enavant

L'attest federal da qualificaziun commerziant/commerzianta pussibilescha l'access direct en la pratica professionala u l'access ad ina scola spezialisada superiura SSS en ils secturs turissem/hotellaria, banca, assicuranzas, administraziun fiduziara, administraziun e tar furmaziuns en professiuns socialas.

La maturitad professionala pussibilescha l'access a scolas autas spezialisadas SAS sco er ad ina scola auta da pedagogia u via ina ulteriura passarella a l'universitad cun in modul complementar (examen da passarella).

### ► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

[furmaziunprofessionala.gr.ch](http://furmaziunprofessionala.gr.ch) → Sur da nus → Lieu ed adressa → Cussegliaziun da professiun, da studi e da carriera, mail: [biz@afb.gr.ch](mailto:biz@afb.gr.ch)